

# DIARII

I OTTOBRE MDXVII. — XXXI AGOSTO MDXVIII.

1 ADSIT OMNIPOTENS DEUS.

*Novè del mese di Octubrio 1517.*

*A di primo Octubrio.* Hessendo entrati eri li Consieri, excepto sier Nicolò Bernardo, è indisposto, Cai di XL et Cai dil Consejo di X, in questa matina in Colegio introe sier Antonio Grimani procurator et sier Zorzi Corner el cavalier procurator savii dil Consejo, et sier Marin Sanudo qu. sier Francesco savio a terra ferma, et poi disnar introe *etiam* sier Zuan Trivixan. Savii ai ordeni, sier Alexandro Michiel, sier Alexandro Bon, sier Andrea Grioni et sier Piero Morexini qu. sier Lorenzo, mancava sier Giacomo Simitecolo, qual è fuora di la terra, ma vene da poi.

Fo leto *lettere* di sier Sebastian Moro *provedador di l'armada*, il sumario de le quel scriverò di soto: nula da conto.

Da poi disnar, fo Pregadi per compir di far li Savii, et parlonò di far 5 Provedadori sopra la merchadantia in loco di quelli hanno compido, i qual 4 è intradi in Pregadi, el quinto è sier Marco Antonio Loredan, qual va di brieve capitania a Padoa; et questo si fa per meter cinque in Pregadi di quelli non intrati di la Zonta. Vi fu il Principe, et sier Antonio Trun procurator, qual in questo anno passato non è venuto do volle, et ozi ha voluto venir.

Fu posto una taia contra alcuni tolsenò di preson uno per omicidio a Portobufolè, come apar per le-

tere di sier Luca Falier podestà, *videlicet* darli libertà chiamarne 6 di loro nominati nel processo, *aliter* mandarli in bando di terre e luoghi con taja. Fo presa, 144, 10.

Fu posto, per li Consieri, che sier Antonio Zustinian dotor va orator in Franza, possi portar con se arzenti per valuta di ducati 500 a risego di la Signoria nostra. 166, 4.

Fu posto, per li Consieri e Cai di XL e Savii, atento dil 1509 a di 28 April fusse tansà per i X savii Lunardo dal Pozo marzer ducati 50 ad imprestado et 5 persi, di poi a di 10 Lujo in absentia tansà ducati 40 imprestadi, per tanto sia tajà la seconda tansa. 160, 18, 1.

Fu fato scurtinio di un Savio dil Consejo che cazete, et tolli li soliti; et è il Pregadi nuovo nel qual è intradi numero . . . che questo tempo non erano, et niuno non passoe. Meglio di altri sier Zaccaria Dolfin, fo savio dil Consejo, sier Piero Capelo, fo savio dil Consejo, et sier Piero Lando, fo savio dil Consejo. *Item*, scurtinio di uno Savio a Terra ferma che manca, per mexi tre. Tollo li soliti, numero 47, da Io Marin Sanudo in fuora, che non potei per la caxada. Et niun non passò: meglio di altri (96 et 96) sier Antonio Condulmer, fo savio a terra ferma; tolli do altri con titolo sier Bartolamio da Mosto et sier Andrea Foscolo. Et *iterum* fo fato scurtinio di un altro Savio dil Consejo, et tolli li soliti, e di più sier Marco Donado, fo consier, qu. sier Bernardo, el qual passò et rimase di largo, et subito andoe a la Signoria, dicendo esser stà